

CESAR OLARTE CU RECONOCIMIENTO NA BERNADINA GROVELL

ORANJESTAD (AAN): Actualmente un di e leyendanan musical cu a haci hopi pa nos cultura musical, esta Bernadina Grovell, ta hospitaliza pa motibo di un quebrante di salud serio.

Awor cu nos ta den temporada di Carnaval, por corda e aporte grandi cu Bernadina a haci, no den temporada di Carnaval so pero den tur tempo. Te cu 2 aña pasa ainda Bernadina a concursa den Festival di Tumba.

E artista joven Arubano, Cesar Olarte (Cantante Mas Popular di 1996) a haci un

bishita hopi nificativo na Bernadina den cual ocasion e dama talentoso aki a haya un plaquette di reconocimiento como musico di tur tempo, hunto cu un bunita bouquet di flor.

Apesar di e diferencia di edad, e dos artistanan aki tin hopi admiracion pa e talento di cada un di nan.

Bernadina a cuminsa canta den publico na e edad di 10 aña. E artista aki a canta y compone gran exitonan den pasado, manera "Tanto Bal Bo Tey o Lagi Tey", "Amor Prohibi", etc.

